

## ДООДОЙ ХҮБҮҮН

Үншэн хара буруунай үжэрөө гээгдээд, хуһамаг соохи үбһэнэй хог эдижэ байтар, үйлэтэ Доодой хүбүүн гүйжэ ошоод, барижа унаха гэхэдэнь, үншэн хара буруун хүнһөө юрэ айдаггүй, хүниие айлганам гэжэ һанадаг тула, Доодой тээшэ хаража, хэлээ гаргажа бүрхирхэдэнь, үйлэтэ Доодойшые айжа үгэбэгүй, барихаяа забдаба. Тиихэдэнь үншэн хара буруун үйлэтэ Доодой хүбүүе мүргэбэ. Доодой үншэн хара бурууе гараараа хэдэ дахин сохижо, сужарюулжа ядаад, газарта унаба. Буруун дээрэнэнь мүргэжэ, Доодойе уйлуулба.

Тинн үншэн хара буруунай омогтой болоод, хогоо эдижэ байхадань, Доодой сужарижа, уйлаһаар гэртээ хариба.